



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pastorale Missionariorvm

Verjuys, Jean-Baptiste

Antverpiæ, 1682

Tractatus X. De Indulgentiis.

urn:nbn:de:hbz:466:1-41565

TRACTATUS X.

De Indulgentiis.

ARTICULUS I.

Quæ Indulgentiæ specialiter datæ sint pro partibus missionis?

IN primis in facultatibus dari solitis Regularibus conceditur facultas concedendi Indulgentiam plenariam primò conversis ab hæresi.

2. Idem concedendi fidelibus quibuscumque in articulo mortis, saltem contritis si confiteri non poterunt.

3. Lucrandi sibi eandem Indulgentiam.

Item Paulus V in Bullâ editâ anno 1606. concessit omnibus Regularibus quotiescumque de licentiâ summi Pontificis & suorum superiorum in ditiones & terras infidelium aut Hæreticorum ad concionandum, aut Catholicos docendum, vel infideles & hæreticos ad fidem convertendum, & Ecclesiæ gremio reducendum missi fuerint, si pœnitentes & confessi, ac Sanctissimâ Communionem refecti fuerint, vel Missam celebraverint; ut melius ad hujusmodi opus se præparare valeant: pro
duabus

duabus vicibus, videl. quando itineri se accinxerint, & quando in Provinciam, ubi prædicta opera eis exercenda erunt ingressi fuerint, plenariam omnium peccatorum suorum indulgentiam & remissionem. Sic refert Verricelli de Apost. Mission. quæst. 98. §. 25. n. 144.

ARTICULUS II.

Vtrum Regulares in Missionibus habeant easdem Indulgentias, quas habent in partibus Catholicorum; Et easdem confraternitates.

Resp. Affirmativè, uti expressè declaravit Urbanus VIII. in suâ Bullâ *Salvatoris* datâ pro Clero & Religiosis Missionariis in fœderatis Belgii Provinciis die v. May 1626. & confirmatâ ab Alexandro VII. in suis litteris per formam *Brevis Dudum* datis. 20. Septem. 1656 ubi sic habetur §. 17. *Quoad publicationem Indulgentiarum poterunt Regulares & Patres Societatis illas publicare, quas Ordines & Societas habet, & hætenus habuit, ubique terrarum, vel in partibus Germaniæ, & Belgii in univèrsum, edocto semel Vicario de facultatibus; neque Vicarius impediet vel interdicet.*

et. Et idem conceditur in eâdem Bullâ circa confraternitates, §. 18. Quoad institutionem fraternitatum, & Sodalitatum, permittat Vicarius Regularibus & Patribus Societatis, illas quæ à Sede Apostolicâ approbata, & ab Ordinibus assignata sunt, ita tamen ut nemo astringatur & teneatur ad particulares Confessarios, vel ad Sacramenta ab illo Ordine solum percipienda.

Noluerunt enim illi summi Pontifices, Regulares qui ibi cum tanto labore & tot periculis operantur in vineâ Domini, nec fideles Catholicos facere deterioris conditionis, quàm sunt fideles in partibus Catholicis, imo Ecclesia uti pia mater majorem solet compassionem habere cum illis suis filiis, tot persecutiones patientibus, ac proinde noluit eos illis spiritualibus consolationibus, quibus alibi gaudent, esse frustratos.

